

中國科學院圖書館整理

續修四庫全書總目提要（稿本）

齊魯書社

潮陽縣志二十卷

康熙丁卯縣署刊本

知縣臧憲祖纂修。此志成於清康熙二十六年。丁卯卷一建置沿革。卷二輿地。卷三紀事。卷四官署。卷五職官。卷六學校。卷七選舉。卷八恩命。卷九民賦。卷十風俗物產。卷十一兵防。卷十二壇廟。卷十三名宦。卷十四人物。卷十五列女。卷十六流寓。卷十七陵墓。卷十八十九二十藝文。凡十九門。潮陽漢揭陽縣地。晉初為海陽縣。地義熙九年分置潮陽縣。唐宋間廢置不常。元明以來屬潮州。明永樂己亥陳時可景泰乙

亥何晟成化戊戌吳穀宏治己酉王鑾先後修輯縣志。今皆不存。卷首臧氏自識。隆慶志係憲副林井丹先生所修。成於隆慶壬申之冬。至順治四年郡丞吳仕訓續修。未及梓而海寇煽亂。及康熙十二年知縣張宏美請紳士馬光龍等續修。未及梓而植甲寅之變。二者僅藏稿而已。自隆慶壬申距今康熙丁卯間年一百一十有七。乃集儒學紳士就通志府志考證外兼採訪核實勒成一書。不敢憑夫私臆云。邑中人物在宋則鄭南升能傳朱子之學。在明則蕭鑾姚璦

林大春諸君子奇節偉行允為邑乘之光。雙忠祠在縣之東山。祀唐張巡許遠。宋文天祥。過此書沁園春詞於壁。祠左有大忠祠。即祀文天祥也。

揭陽縣志八卷

乾隆甲辰縣署刊本

知縣劉業勤主修。凌魚纂。此志成於清乾隆四十四年己亥。四十九年甲辰。知事李華國重訂。卷一方輿志。卷二建置志。卷三賦役志。卷四職官志。卷五選舉志。卷六人物志。卷七風俗志。卷八藝文志。為綱目六十八目。繁不備列。舊志乾隆以前凡五修。一修於明嘉靖乙巳。王鳳再修於崇禎辛未。馮元颺三修於清康熙丁卯。鄭濂四修於雍正辛亥。陳樹芝五修於乾隆壬午。黃大鶴此編較前志加詳。其間有增補

者有更刪者。參稽省府二志。及蒐採名家文集。斟酌而損益之。文筆雅潔。滌除冗濫。可稱良著。揭邑阻山瀕海。向多伏莽。且遠通吳越。近達漳泉。兵事一門。博采羣書。訂前志之闕誤。尤稱詳審。揭陽漢屬南海郡。晉省入海陽縣。宋宣和三年。始析海陽復置縣。屬潮州。元以後因之。邑之人物。在宋則陳希復。有廣南夫子之稱。吳復古。懿德高行。為蘇軾兄弟所傾服。在明則翁萬達之事功。薛宗鎧之忠鯁。郭之奇之詞翰。尤稱翹楚。云業勤字誠基。號柴峯。廣西桂平人。拔貢。魚

字西波。號滄州。廣東番禺人。乾隆進士。官知縣。

豐順縣志八卷

乾隆丙寅縣署刊本

知縣葛曙纂修。此志成於清乾隆十一年丙寅。卷一疆輿志。卷二建置志。卷三賦役志。卷四職官志。卷五選舉志。卷六人物志。卷七風土志。卷八藝文志。卷首凡例。一豐順設自乾隆三年戊午。距丙寅。纔七載。有奇。時事絕少。屬內山川人物。大半皆未設縣以前。海揭嘉大原志所有。不敢妄有附會。必援據周詳。方為載入。一分割之海陽。豐政全都。揭陽藍田都九十兩圖。及羅家約。疆宇遼濶。紀事較多。嘉應之萬安都。三圖事已差減。至大埔白芒峯等處。地處一隅。戶僅滿百。尤寥寥焉。多不敢減。少不敢溢。悉從其實。一邑處萬山。至為荒僻。四州縣原志。概從簡畧。今縣治甫開。百凡草創。是以往多難稽。近鮮足紀。謹緝其畧。為網八目。三十有七。其事之相屬者。附於後。各以類從。例不分門。一志首輿圖。使覽者於全邑形勢。如身歷其境。若學校。若公署。若城垣。若關隘。若山川名勝。俱關邑中緊要。一一繪之。披卷了然。此纂修之大旨也。清初吳六奇。以諸生倡義立功。武節顯於海內。卒贈

太師謚順恪。讀其忠孝堂集。招撫等篇。忼爽直切。深達事機。洵一邑之人傑也。邑屬山巖奇峭。林谷深阻。幽泉怪石。不可悉數。惜在僻遠。游踪殊少云。

惠來縣志十八卷

雍正辛亥縣署刊本

知縣張瑤美纂修。此志成於清雍正九年辛亥。卷一建置沿革。卷二星野疆域。卷三山川。卷四民賦物產。卷五職官。卷六選舉。卷七公署。卷八學校。卷九秩祀。卷十兵防。卷十一兵事。卷十二災祥。卷十三風俗。卷十四人物。卷十五節烈。卷十六寓賢仙釋。卷十七十八藝文。凡十八門。舊志康熙以前凡四修。一修於明嘉靖乙卯。林春秀再修於萬曆戊申。游之光三修於康熙丁卯。張秉政四修於康熙甲申。查曾榮此編繼查志而續成之。耳。明季寇盜充斥。嘉靖四年。析潮陽及惠州之海豐置惠來縣。面臨大海。背負崇山下。接海豐。上連普揭。為閩廣陸路咽喉。亦潮府往來門戶。明代邑中人才輩出。謝正蒙立朝清介。危言讜論。有俾國計民生。為名御史。陳光世挹幹才。不得志。歸卧林泉。讀詹一惠陳雪坡先生遺稿序。陳尚志陳雪坡先生傳。想見其為人。而義民盧和出萬死一生之加救全城旦夕之命。其義勇尤足稱述。邑人張經為之傳。

澄海縣志二十六卷

嘉慶縣署刊本

知縣李書吉纂修。此志成於清嘉慶二十年乙亥。卷一星野氣候。卷二沿革疆界形勢。卷三城池。卷四署廨。卷五潮汐災祥。卷六風俗。卷七山川。卷八都圖。卷九寺觀。卷十古蹟。卷十一津梁。卷十二堤涵。卷十三田洲。卷十四賦稅。卷十五學校。卷十六祀典。卷十七選舉表仕籍。封贈。卷十八十九人物。卷二十職官表。卷二十一官蹟。卷二十二海防營汛。塘鋪。卷二十三二十四物產。卷二十五二十六藝文。凡三十二門。邑志創修於萬曆乙未。邑令王嘉忠秉筆者。邑人王天性也。康熙丙寅。邑令王岱再修之。雍正己酉。邑令甯時文。乾隆甲申。邑令金廷烈相繼重修。至是凡五修矣。雖因仍舊志。而繁簡得宜。文筆雅潔。李氏江蘇常熟人。以廉孝作宰。誦其詩篇。非俗吏也。明嘉靖癸亥。析海揭饒三邑之地。置澄海縣。其地負山阻海。市舶輻輳。為潮郡襟喉。雖僻在海隅。而賢哲挺生。盛於他邑。才畧則翁萬達。嘉靖間平定安南。賴其策畫。書疏之稿。崇論宏議。通達事機。碩學則唐伯元。

清德則王天性。皆潮人所景仰者也。清代余志貞以文章科第作高官而清貧如寒士亦可敬也。蓮花山距城北四十里。高三百餘丈。周廻十餘里。高壓諸山。為縣治後展云。

大埔縣志十二卷

乾隆甲子縣署刊本

知縣蘭塿纂修。此志成於清乾隆九年甲子。卷一疆輿志。卷二營建志。卷三賦役志。卷四學校志。卷五祀典志。卷六秩官志。卷七兵防志。卷八選舉志。卷九人物志。卷十風土志。卷十一藝文志。卷十二雜覽志。凡十二門。目繁不備列。明嘉靖間邑令吳思立創修邑志。崇禎間邑令張變任教諭梁亭表續修之。清康熙乙丑邑令宋嗣京復修之。至是凡四修矣。明成化間析海陽地置饒平縣。嘉靖五年又析饒平海陽地置

大埔縣。其地山環水繞。秀麗天然。介閩粵兩省之交。東鄰永定。西瞰海陽。南接和平。北控程鄉。西南與饒平錯壤。東北為上杭連界。六縣唇齒。輔車相依。雖曰僻處山陬。實汀潮間一樞軸也。民風簡樸。宿稱易治。縣城據茶山之麓。其山脈來自福建。為縣之主山。云。塿號愚齋。河南陽武人。雍正二年進士。

饒平縣志二十四卷

康熙縣署刊本

知縣穎川劉抒纂修。此志成於清康熙二十六年丁卯。卷一星野疆域山川建置沿革。卷二城池公署學校。卷三職制祀典。卷四田賦戶口。卷五鹽課屯田積貯兵防鋪遞。卷六職官名宦。卷七選舉。卷八人物。卷九孝義隱逸流寓列女。卷十潮汐海風海汛氣候。卷十一風俗物產。卷十二古蹟寺院陵墓。卷十三寇盜災祥。卷十四至二十四藝文。凡三十六門。而藝文占十一卷之多。採錄殊嫌泛濫。舊志創修於明嘉靖辛

續修四庫全書總目

卷

部

丑。邑令羅允鄧再修於崇禎庚辰。邑令邱金聲。此編因仍舊志而為之增訂者也。明成化十四年。析海陽縣地置饒平縣。自昔為海寇嘯聚之鄉。建縣之後。民賴以安。吏治民生。始侔於他縣。饒地四圍皆山。民樸力於農。士秀篤於學。明正德間。邑人楊驥與其弟鸞講良知之學。為王陽明湛甘泉所器重。潮人有二鳳之稱。薛亶與其子雍。碩德高才。儀型桑梓。邑之人物首屈指焉。南澳山在縣之東南一百六十里。大海中延袤三百里。萬曆三年始設重兵屯守。清代為南澳

鎮設總兵駐此。其地有宋丞相陸秀夫墓。忠臣義士以身殉道。過其墓者感慨係之矣。

續修四庫全書總目

卷

部

嘉應州志十二卷

乾隆庚午州署刊本

知州王之正主修此志成於清乾隆十五年庚午卷一輿地部其目曰圖考曰沿革曰分野曰疆域曰山川曰橋渡曰水利曰氣候曰風俗曰物產卷二建置部其目曰城池曰官署曰學校曰祠祀曰坊表曰兵防卷三田賦部其目曰戶口曰土田曰賦役卷四官師部其目曰文職曰武職曰名宦曰官蹟曰寓賢卷五選舉部卷六人物部其目曰鄉賢曰懿行曰列女卷七藝文部卷八雜記部其目曰古蹟曰墳墓曰寺

嘉應州志

卷

部

廟曰方外曰災祥曰寇變曰軼事卷九興寧縣卷十長樂縣卷十一平遠縣卷十二鎮平縣嘉應原為程鄉縣宋曰梅州明屬潮州府清雍正十一年改為嘉應州領四縣其形勢北連章貢東控閩汀萬山北拱四水東流其風俗士喜讀書農知務本家敦儉素人習勤勞但土瘠民貧耳程鄉縣志自明嘉靖二十年知縣陳應奎教諭賴存業始有成編清順治十一年知縣葛三陽從事增訂康熙十二年知縣王仕雲二十九年知縣劉廣聰相繼重修設州以來規制大異

此編合采前志增以近聞體制既殊雖因而實創矣程處士曼生於南齊歷梁陳及隋開皇中年九十餘乃卒後人思其德名其都曰義化鄉曰程鄉源曰程源江曰程江最後以程鄉名縣云

嘉應州志

卷

部

長樂縣志八卷

康熙丁卯縣署刊本

知縣孫蕙纂修。此志成於清康熙二十六年丁卯。卷一輿地志。卷二建置志。卷三秩官志。卷四選舉志。卷五人物志。卷六籍產志。卷七繫年志。卷八藝文志。目繁不備。列長樂踞惠潮郡之上游。南齊時與興寧共為齊昌邑。宋天禧二年以興寧縣地置長樂鎮。熙寧四年升為縣。屬循州。明屬惠州府。清雍正十一年改屬嘉應州。邑志宋元無考。明萬曆甲辰始有成書。崇禎戊寅邑令黃景明續修之。康熙癸卯邑令孫蔭光復修之。至是凡四修矣。書中有論有總論有解有紀事。有列傳論贊。殊嫌辭費。而闕帝世家一篇尤為創見。他志均無此例。洪武初危正拜給事中。以言事戍山西。古產輝連以和為御史。以剛介稱。嘉靖中顏璉處為純儒。出為循吏。此邑中人物之卓著者也。循良之吏李德用稱最。德用莆田人。嘉靖三十一年以舉人知縣事。任八年移病去。貧無以為道路費。邑民贈以金。却不受。葉夢熊有李侯卻金亭記。紀其事。

續修四庫全書

卷

部

興寧縣志十卷

乾隆己未縣署刊本

知縣施念曾纂修。此志成於清乾隆四年己未。卷一疆輿志。卷二建置志。卷三賦役志。卷四學校志。卷五職官志。卷六選舉志。卷七人物志。卷八風土志。卷九事物志。卷十藝文志。目繁不備。列每卷之首有弁言。每卷之末有卮言。既已分十門而又分十章。曰周原曰長利曰順承曰大啟曰天錫曰神光曰醴醴曰雲物曰治道曰治絲。若論體例固嫌蛇足。而其文詞則斐然可誦也。舊志創於明成化間。邑令侯爵正德間祝允明嘉靖間吳悌崇禎間劉照祚相繼重修。其書久佚。清康熙間王綸部復修之。今亦不可得見矣。此編續修於五十年之後。紀述尚稱詳明。文筆亦復清雅。惟議論過多。未免辭費耳。興邑建於東晉咸和年。即向隸循州。後併屬惠州府。雍正十一年增置嘉應州。以縣屬焉。邑令之有名者正德間祝允明崇禎間劉照祚。祝以文采稱。劉以節烈著。其人物則宋之羅孟郊明之王天與邑人所敬仰。均祀鄉賢祠。念曾字集齋。江蘇宣城人。閩章之曾孫也。

續修四庫全書

卷

部

鎮平縣志六卷

乾隆癸卯縣署刊本

知縣安鄉潘承焯重修武都吳作哲續此志成於清

乾隆四十八年癸卯卷一疆域志其目曰沿革曰星

野曰封界曰城池曰官署曰祠廟曰古蹟曰山川曰

村墟曰氣候卷二賦役志其目曰田糧曰鹽法曰物

產曰風俗卷三典禮志其目曰儀禮曰秩祀曰名宦

曰鄉賢曰節孝卷四職官志其目曰縣令曰儒學曰

縣尉曰巡司曰城守卷五人物志其目曰科貢曰封

贈曰懿行曰列女卷六藝文志其目曰疏曰記曰叙

雜記四庫全書總目

卷

部

曰詩曰雜記案官署祠廟古蹟不宜列疆域風俗不

宜列賦役科貢封贈不應列人物分隸失當體例殊

乖明嘉靖四十三年析程鄉興寧地置平遠縣崇禎

六年又析程鄉平遠地置鎮平縣清雍正十一年陞

程鄉縣為嘉應州以興寧長樂平遠及鎮平四邑隸

之舊志創修於邑令胡會賓清康熙癸卯徐履吉癸

丑程夢簡丁卯蔣彌高雍正丁未沈廷鶴相繼重修

此編則踵沈志而增輯者也設縣之始為縣令者昆

明胡會賓當開設初百務未舉會賓改建縣治增置

學田義倉社學凡所經理纖悉無遺邑人德之祀名
官祠

續修四庫全書總目

卷

部

平遠縣志十卷

雍正縣署補刊本

清康熙庚戌知縣劉駿名原纂康熙丙寅知縣顏奇宿雍正辛亥知縣黃大鵬相繼補修卷一封疆志卷二蠻序志卷三祀典志卷四營建志卷五食貨志卷六職官志卷七卷八人物志卷九兵防志卷十藝文志目繁不備列明嘉靖四十三年分程鄉及惠州府興寧縣地置平遠縣以其界於武平安遠此縣名所由昉也四面環山谿谷縈旋諸山之脈來自虔陽千里之外峰巒奇峭逶迤紆曲北至項山而突起高陵蜿蜒三十里入結城邑發原所自則項山其鼻祖也舊志創修於萬厯戊寅邑令劉永祚再修於萬厯丙申邑令王文雷三修於萬厯己未邑令李允懋四修於崇禎間邑令張元禎其書久佚矣

續修四庫全書

卷

部

廉州府志二十卷

乾隆府署刊本

知府長沙周碩勳纂修此志成於清乾隆二十年乙亥分二十卷曰分野氣候風潮附焉曰疆域形勝沿革邊隘附焉曰山川水利珠池附焉曰風俗獐狼山子獐人附焉曰世紀曰建置曰古蹟曰祀典鄉飲附焉曰農桑墾荒事宜附焉曰兵防曰職官曰學田書院規條附焉曰宦蹟曰流寓曰選舉曰人物列女仙釋附焉曰物產曰賦役雜課附焉曰鹽法曰藝文凡二十門廉州漢為合浦郡唐武德五年為越州貞觀

續修四庫全書

卷

部

八年改曰廉州明初屬雷州府洪武十四年改為府清因之領二縣一州曰合浦曰靈山曰欽州明嘉靖乙卯何御創修郡志崇禎丙子鄭抱素續修清康熙癸丑徐化民壬寅徐成棟皆有增輯其書久佚卷首凡例稱廉郡自明季疊遭喪亂志書散佚康熙壬子始得殘編於山家土窖中已缺畧不全歷五十年壬寅再修復因陋就簡余自慚蕪陋獨手經營三年之中業經數脫較舊志稍詳云世紀一編照編年法凡繫於土地人民政事兵荒災異歷朝皆備書之藝文

分奏疏記序詩賦條議惟有闕風土有裨政教者錄之舊志八景詩已成濫觴悉從刪削此善於他志者也郡有珠池明代採珠最為民害聞豎肆虐吸髓敲膏讀顧夢圭珠池歎林兆珂採珠行巧徵橫索之狀可以想見清代永除太監採珠之害廉民始出水火焉昔孟嘗為合浦守能令珠去復還千古詡為盛事蓋民誦其廉特假此以神其說耳未必實有此事也廉處粵東極邊地隣日南為古人遷謫之鄉唐之張說房融宋之蘇軾陳瓘其最著也

合浦縣志二十四卷

康熙縣署刊本

知縣高陽韓三異纂遼陽鈕廷彩輯此志成於清康熙六十一年壬寅卷一圖經志卷二沿革志卷三編年志卷四公署志卷五禮教志卷六祀典志卷七田賦志卷八鹽課志卷九經武志卷十職官志卷十一名官志卷十二選舉志卷十三人物志卷十四孝義志卷十五流寓志卷十六列女志卷十七物產志卷十八古蹟志卷十九山川志卷二十寺觀志卷二十一奏議志卷二十二藝文志卷二十三詩賦志卷二

十四雜記志凡二十四門孝義宜並於人物奏議詩賦宜並於藝文寺觀宜並於古蹟不必另列一門水利之目宜隸於山川今乃隸於古蹟體例殊為可議舊志創修於康熙二十五年邑令張輔為書十二卷此編增至二十四卷其所補輯者當不可少矣大廉山在縣之東北李吉甫云唐廉州取大廉洞為名舊說東漢時費貽為合浦太守有廉名去之曰百姓追送至此因以名山合浦江在縣東南一名廉江珠池在縣東南八十里海中一名珠母海居人採珠之所

明代採珠之詔屢下民不堪命清代始除採珠之害
邑地多竹居處器用皆竹為之竹屋竹床竹桌竹椅
之類比戶皆然其風俗篤交情重然諾敦古道為他
邦所不及云

光緒嘉應州志三十二卷

光緒州署刊本

知州吳宗焯主修州人溫仲和總纂溫氏字慕柳清
光緒己丑進士翰林院檢討文學優長為時名宿此
志成於光緒辛丑其自序曰郡邑志乘昔號圖經邇
鎮近遠疆域縱橫犬牙所錯道里所程有圖有說統
入地形志疆域道里而先以圖第一秦開五嶺東為
揭陽訖于南齊肇有程鄉曰敬曰梅雄鎮一方錫名
嘉應橋兆其祥志沿革表第二服領以南不隸九州
屬揚屬荆聚訟未休潮惠之交焉辨女牛實測經緯

高孤是求志暑度附以分野氣候第三梅揭縣互為
山趨東導源汀賴于海焉窮惡溪之惡灘石擊椿昔
也瘴地今實開通志山川附以險要第四導泉作覽
陂溪轉車惟坑與圳事同開渠曰塘曰湖水之所潴
既資灌溉亦利佃漁志水利第五昔程鄉嶺四方是
售銀場鉛場煤鐵兼富山之材木可薪可楨今置不
講使我心疚志物產第六近從汀賴遷自宋元語多
古音聲合中原漢唐土著不聞僅稱曰客家為客家
言志方言第七禮俗相沿有文有質與時遷流難歸

一律考之經典。明其得失。土瘠則勸。毋蹈淫泆。志禮俗第八。崇墉屹屹。南臨大河。閭閻櫛比。闐闐星羅。水陸所會。名都可歌。再罹兵燹。殘破實多。志城池第九。有堂有齋。是居是息。慎爾威儀。為民之則。景彼前賢。朝暮運甕。母曰傳舍。而鰥厥職。志辟署第十。匠人營國。經緯涂軌。以澮溝洫。津梁攸紀。王政所先。咸有條理。間道郵亭。十里五里。志橋渡。附以風雨亭第十一。漢晉以前。荆榛未闢。迨及唐宋。爰有遺譎。元城書院。處士第宅。景仰前賢。想像遺迹。志古蹟。附以冢墓。第

十二。前朝苛政。取民無制。概見斯篇。以著其弊。我朝滌除丁歸畝稅。民不知役。若堯舜世。志食貨第十三。豐年儲積。以備凶荒。出陳入新。慎守蓋藏。經理得人。意美法良。如或不然。名存實亡。志倉儲。附以嬰堂等第十四。營汛募布。以防姦宄。盜賊無擾。民安閭里。不忘武備。亂庶遑已。晚近具文。反為瘡痍。志兵防第十五。化民成俗。其必由學。莘莘生徒。道資先覺。多見多聞。知識乃卓。母圖方隅。慎哉染趾。志學校第十六。古之祀典。著於禮經。匪曰求福。惟以景行。報功酬德。祀

事孔明。後世淫濫。諂媚無名。志祠祀第十七。官乎師乎。送故迎新。自有州縣。傳者幾人。其位已去。其迹亦陳。有名無名。似泯非泯。志官師表第十八。同一官師。獨父母我。民豈有私。口碑在道。唐宋謫宦。故籍可考。高山仰止。唯賢是寶。志官蹟。附以謫宦寓賢第十九。徵辟自漢。科目自唐。草澤崛起。雲路高驤。伯樂一顧。群無留良。桑梓之華。邦家之光。志選舉表第二十。策名筮仕。理不家居。為民為國。顧此簡書。位有小大。靖共豈殊。無貪好官。笑罵由渠。志仕宦表第二十一。朝

廷禮臣。不分文武。錫類推恩。及臣父祖。舊志實封。正途為主。今仍其例。非有去取。志封贈表第二十二。人材遞嬗。與時代遷。楷模鄉里。輝映山川。益部耆舊。楚國先賢。總歸人物。可法可傳。志人物第二十三。己未之寇。慘哉屠城。或閭門殉難。或舉族捐生。冊籍可稽。忍沒其名。特為標目。以表忠貞。志忠烈表第二十四。百齡上壽。五代同堂。惟朝有典。例得旌揚。昇平八瑞。貞壽之坊。禮隆養老。今仍舊章。志耆壽表第二十五。土瘠俗勤。勞哉婦女。身兼百役。豈惟機杼。以禮自防。

强暴是禦苦節幽貞其事可叙志列女第二十六撫
孤養親。娶婦之常。飲冰茹蘗。荆釵布裳。百年一日。終
始無忘。伊庸非奇。所重三綱。志節孝表。第二十七。維
彼二氏。游方之外。舊志標題。其意可會。高僧列仙。古
不澄汰。今亦從之。疑者邱蓋。志方外第二十八。不區
甲乙。時代相屬。前賢撰著。詳其書目。見與未見。存佚
並錄。僕求遺書。毋高閣束。志藝文第二十九。漢志五
行。各以類應。人事感召。天高下聽。失在增會。操志靡
定。今惟書事。不敢妄證。志災祥第三十。地界江閩。山

嶺與區。伏莽易聚。淵藪逃遁。萌芽不絕。支蔓難圖。任
其責者。安可忽諸。志冠變第三十一。拾遺補缺。訂誤
考文。雖曰雜記。亦以類分。足資證據。不嫌糾紛。往籍
搜討。瑣事軼聞。志叢談第三十二。凡方志之書。猶通
史之體。古今兼收。事殊斷代。無取空論。貴有依據。今
於舊志。有革有因。總三十二篇。既詳之矣。仿史記漢
書之例。當為叙志第三十三。在諸篇之後。惟時俗通
行。序皆置諸卷首。不入目錄。茲亦從之。序例綱舉目
張。斐然可誦。全篇考核精詳。網羅遺逸。通人之筆。固

殊異於凡庸也。方言一卷。可證古音。前無所因。可稱
特創。藝文一卷。祇載書目。其小序云。州人著述。自宋
以迄國朝。傳作不少。而四庫並未著錄。蓋乏達官顯
宦采進之。遂至遺而有待耳。舊志藝文。祇載詩文。今
分綴之。其人其事之下。而別采書目。以成是編。畧以
朝代為先後。書之顯於世者。並注其刊行之本。此後世
目錄之學也。紀述嘉應州事之書。亦附於後。以供考
證。近日志乘。多從此例焉。勝雜錄詩文遠矣。

靈山縣志十二卷

乾隆縣署刊本

知縣黃元基重輯此志成於清乾隆二十九年甲申卷一輿地卷二建置卷三事蹟卷四典謨卷五禮樂卷六風俗卷七秩官卷八兵防卷九選舉卷十賦役卷十一人物卷十二藝文黃氏自序曰靈邑自明季疊遭兵燹卷帙散失文獻無徵康熙十一年邑令林君長存始博采舊舊搜羅殘簡彙輯成編尚無刻本迨後五十餘年署令盛公熙祚於雍正之八年毅然續之至十一年杜公兆觀乃鐫板成書歷今復三十

續修四庫全書總目

卷

部

餘年矣基下車來此即欲續修之始於乾隆二十九年春閱一載而志成卷仍十二條目六十有六云隋開皇十八年分合浦置南賓縣唐天寶元年改曰靈山宋屬欽州明洪武十四年屬廉州府宋欽州知州陶弼三海巖詩序曰宋治平二年春詔徙靈山治於石六山下以便民夏五月余得朝命還湖湘道由茲山愛其林交水迴風嫩石瘦謂其下必有勝概爰命邑宰刊木除道徒步而登果得三巖於椿菴間其一砢然雲際天光內通形似半月其一中窪上隆狀如

覆鼎又其一若巨龜側倚岩下上有陰壑刀布藏焉樵人百計攀躋不能到下有盤石隱隱有螺蚌負之余疑上古洪荒安知此山不在洪波巨濤中詩云高岸為谷深谷為陵詎不信歟乃名之曰三海岩復為詩一章以附新邑圖經云誦其文髣髴柳子厚山水記其詩曰靈邑西岩古洞天我來方信海為田無名不入州畧載有路空聞野老傳此日登山人採蚌當時飯馬客留錢顏公曾記麻姑說三變柔桑是果然

續修四庫全書總目

卷

部